



Dwa ou Genyen pou fè Apèl Nan Biwo Egzekitif Zafè Pèsòn Aje Yo

Si w kwè desizyon Revizyon Pwen Aksè Sèvis Vyeyisman (ASAP) pat baze sou fè ki egzat oswa yo pa t pran desizyon an ann akò ak règleman ak prensip ki aplikab yo, ou ak fè apèl nan Biwo Egzekitif Zafè Pèsòn Aje yo.

Dwa ou genyen nan kòd 651 lwa Massachusetts yo 1.00 et seq.

- Ou gen dwa pou yo tandè w nan yon odyans nan Zafè Pèsòn Aje yo.
- Ou gen dwa pou enspekte epi kopye (men w ap gen pou peye pou sa) kontni dosye w la nenpòt lè.
- Ou ka chwazi yon moun pou reprezante w nan odyans lan.
- Ou ka soumèt enfòmasyon pa ekri (yo pral bay ASAP kopi yo).
- Ou ka gen temwen ki pou pale an favè w nan odyans lan.
- Ou ka mande pou odyans lan fèt pa telefòn oswa an pèsòn.

Pwosesis Apèl la. Yon odyans se yon opòtinite fòmèl pou eksprime poukisa ou kwè aksyon ASAP te pran an se pa t yon aksyon ki apwopriye. Yo fè odyans yo pa konferans telefonik oswa nan biwo Zafè Pèsòn Aje yo. Se yon ofisye odyans ki dirije odyans lan epi yo anrejistre tout odyans yo sou kasèt.

Manm nan pèsònèl ASAP pral reprezante pou eksplike poukisa yo te pran aksyon ou pote ann apèl la. Yo pral eksplike poukisa aksyon sa a te apwopriye selon règleman ak prensip ki anvigè yo. Anvan odyans lan, ASAP pral voye baw kopi enfòmasyon yo pral prezante nan odyans lan. Ou ka poze kesyon sou enfòmasyon yo prezante a epi ou ka eksplike poukisa ou santi aksyon an pa t kòrèk. Epitou ou ka diskite tout materyèl ak enfòmasyon yo prezante yo.

Rezime Desizyon yo. Aprè ou fin fè yon demann pou apèl, oumenm oswa ASAP ka mande yon Rezime Desizyon lè w kontakte koòdinatè odyans pou Zafè Pèsòn Aje yo nan 617-727-7750. Yon Rezime Desizyon vle di ou dakò avèk ASAP sou done ka w lan, ou pa vle yon odyans, men ou toujou vle fè apèl pou desizyon ASAP la. La, si yo akòde w rekèt ou an, Ofisye Odyans lan pral sèlman gade enfòmasyon alekri oumenm ak ASAP te soumèt epi yo pral pran yon desizyon.

Nan yon delè katrevendi (90) jou sivil aprè odyans ou an oswa aprè w fin soumèt yon dokiman siyen pou yon Rezime Desizyon, Ofisye Odyans lan pral prepare yon desizyon alekri. Biwo Zafè Pèsòn Aje yo pral voye yon kopi desizyon an ba ou epi bay ASAP avèk enstriksyon sou fason ou ka fè apèl a desizyon an. Odyans ak Rezime Desizyon yo anvigè depi w fin resevwa desizyon an.

Si w vle fè apèl, ou dwe voye demann ki vin avèk enfòmasyon sa a nan biwo Zafè Pèsòn Aje yo nan yon delè trant (30) jou sivil apati dat ou resevwa desizyon Revisyon ASAP la. Si w pa voye Demann pou Apèl lan nan yon delè trant (30) jou sivil, ou pral pèdi dwa ou genyen pou ale ann apèl.

Atachman: Demann pou fè Apèl a Desizyon Revizyon ASAP la